



Ordinàntzia n. 09 de su 02 de argiolas 2020

Ogetu: Emergèntzia sanitària de Covid-19. Graduali obertura de is Ufitzius comunalis. Novidadis chi pertocant is servitzius comunalis chi non si podint rimandai a ddus fai in presèntzia.

SU SÌNDIGU

Bius:

1. s'art. 50 de su D.Lgs. 18 austu 2000, n. 267 (T.U.E.L.):
[...] 5. Prus de totu, in casu de emergèntziaa sanitàrias o de igieni pùblica chi pertocant sceti argunus logus, su sindigu podit fai ordinàntzias "contingibilis" e apretosas, comenti a rapresentanti de sa comunidadi locali. [...]
2. su D.L. 2 de martzu 2020 n. 9, chi a s'art. 19 "Misuras urgentis in matèria de impiegu pùblicu", disponit: *"[...] 3. Foras de is casus prevididus de su comma 1, is simanas de ausèntzia dae su servitziu de is dipendentis de is amministrazionis inditaus in s'articulu 1, comma 2, de su decretu legislativu 30 de martzu 2001, n. 165, dèpius a is provedimentus po cuntenni s'epidemia de COVID-19, pigaus s'ighendi s'articolo 3, comma 1, de su decretu-lei 23 freàrgiu 2020, n. 6, rapresentant servitziu fatu. S'Amministrazioni non donat s'indennidadi de mensa candu est previdida. [...]"*
3. su D.L. 17 martzu 2020, n. 18, cd. Cura Italia, chi a s'art. 87 disponit
"Fintzas a s'acabbu de su stadu de emergèntzia epidemiologica de COVID-2019, overu fintzas a una data chi benit prima, stabilèssia cun decretu de su Presidenti de su Consigiu de is Ministrus in segus a proposta de su Ministru po s'amministrazioni pùblica, su "smart working" est sa manera ordinària de traballai, comenti narat s'articulu 1, comma 2, de su decretu legislativu 30 de martzu 2001, n. 165"[...];
4. su D.L. 19 de maju 2020, n. 34, cd. Decreto Rilancio, chi a s'art. 263 disponit
"Po assigurai sa continuidadi de su traballu amministrativu e po acabbai a manera lestra is protzedimentus, is amministrazionis cunformant is mesuras de s'art. 87, comma 1, lett. a) de su D.L. 17 de martzu 2020, n. 18, cunvèrtiu cun modificatzionis, de sa lei 24 abili 2020 n. 27, a is esigèntzias de torrai a aberri is ufitzius pùblicos e a cussas de is tzitadinus e de is impresas [...];

Torrada a cramai sa ordinàntzia sua n. 1 de su 23 de martzu 2020 *Ordinàntzia de emergèntzia sanitària, po scerai is servitzius comunalis "chi si depint fai in presèntzia" de is dipendentis comunalis;*

Rilevada s'urgèntzia de cunformai a is cunditionis mudadas is mesuras straordinàrias po amparai sa saludi pùblica;

Averiguau ca in totus is Ufitzius ant postu trevessas de protetzioni po arriciri is impitadoris e a s'intrada e in ònnia pianu ant postu machinetas po si limpiài is manus cun sustàntzias disinfetantis;

Pigau a cunsideru ca tocat a atendi cun urgèntzia:

- a definiri is pràticas e is protzedimentus de cumpetèntzia de su Servitziu Sotzialis;
- a aprovai su Contu de su Bilàntziu 2019 in pagu tempus, essendi ca sunt giai passaus is tèrminus po ddu aprovai;

ORDINAT

- Ca is Ufitzius comunalis a pagu a pagu ant a torrai a aberri, po arribai si est possibili a ddus torrai a aberri in totu a pustis de su 31

- de argiolas o de àtera dii previdida dae eventualis dispsitionis nobas Governativas o Normativas;
- S'abertura a su pùblichu de is ufizius chi sighint poita depint fai atividades chi abisòngiant de sa presèntzia de is impiegaus in su logu de traballu:
 - *Ufiziu de politzia locali de is 10.30 a is 13.30 (su lunis, martis e giòbia) e su lunis de is 15.30 a is 18.00*
 - *Ufiziu de su Protocolu de is 10.30 a is 13.30 (de su lunis a su cenàbura) e su lunis de is 15.30 a is 18.30 pighendi unu **apuntamentu***
 - *Ufiziu Anàgrafi e Stadu Tzìvili de is 10.30 a is 13.30 (de su lunis e a su cenàbura) e su lunis de is 15.30 a is 18.30 pighendi unu **apuntamentu***
 - *Ufiziu de su Servitziu Sotzialu de is 10.00 a is 13.00 (de su lunis a su cenàbura) e su lunis de is 16.00 a is 18.00 pighendi unu **apuntamentu***
 - *Ufiziu Ediltzia Privada de is 10.00 a is 13.30 (de su lunis a su cenàbura) e su lunis de is 15.30 a is 18.30 pighendi unu **apuntamentu***
 - *Ufiziu Tributis su lunis de is 15.30 a is 18.00, su mèrcuris de is 8,30 a is 11,00 e su giòbia de is 10.30 a is 13.00 pighendi unu **apuntamentu***
 - *Ufiziu Finanziàriu de is 10.30 a is 13.30 (de su lunis a su cenàbura) e su lunis de is 15.30 a is 18.30 pighendi unu **apuntamentu***

DISPONIT, in prus

Ca is Responsàbilis de is ufizius arremonaus providant a donai totu is disponimentus netzessàrius a garantessi sa siguresa in su logu de traballu;

Ca sa manera po cuntatai e atzedi a is ufizius siat crarida in avisus chi depint èssiri apicaus in is ufizius comunalis e in su giassu istituzionali (www.comune.solarussa.or.it);

Ca is àterus ufizius comunalis si podint cuntatai a manera telemàtica (mail presentis in su giassu istituzionali de s'Enti (www.comune.solarussa.or.it) e telefònica de su lunis a su cenàbura in is oràrius e a is nùmerus chi eus a inditai in un avisu pùblichu;

De stabilessi ca custu provedimentu est eficatzi e eseguìbili luegu, partendi de sa data de sa publicatzioni sua a su cuadru pretòriu de s'Enti.

De trasmiti custa ordinàntzia a mesu de pec a su Prefetu de Aristanis, Autoridadi provintziales de siguresa pùblica po su chi ddi cumpetit.

Sa publicatzioni de custu provedimentu a su Cuadru Pretòriu e in su giassu istituzionali de su Comuni de Sabarussa.

Còpia de custa ordinàntzia est po totu is Responsàbilis de is ufizius e po su personali issoru po is cumpetènzias ispezificas de gestioni comentis in is artt. 107 e 109, comma 2 de su D.Lgs. 18 austu 2000, n. 267.

Eus a podi prorogai custu provedimentu in casu de àterus provedimentus de su governu natzionali o regionali. Sunt sarvas is formas de ricursu ordinàrias.

SU SÌNDIGU

Dott. Gian Mario Tendas

(firmau a manera digitali)